

TEKS UCAPAN
YANG HORMAT PROFESOR DATO DR. DAING NASIR IBRAHIM
NAIB CANSELOR UNIVERSITI MALAYSIA PAHANG
SEMPENA
MAJLIS PENUTUPAN RASMI SEMINAR KEBANGSAAN
KOR SISWA SISWI PERTAHANAN AWAM (SISPA) KALI KE-5 TAHUN 2016
PADA 27 NOVEMBER 2016 (AHAD), PUKUL 10.00 PAGI
DI ASTAKA, UMP KAMPUS GAMBANG

SALUTASI

Saudara Pengacara Majlis,

Yang Amat Setia Pesuruhjaya (Pertahanan Awam)
Dato' Haji Selamat Haji Dahalan,
Timbalan Ketua Pesuruhjaya (Operasi),
Angkatan Pertahanan Awam Malaysia;

Yang Berbahagia Dato' Zaitun Ab Samad,
Ketua Pengarah, Agensi Pengurusan Bencana Negara;

Yang Berbahagia Datin Paduka Ir.Dr.Siti Hamisah Tapsir,
Ketua Pengarah Jabatan Pendidikan Tinggi,
Kementerian Pendidikan Tinggi;

Yang Amat Setia Timbalan Pesuruhjaya (Pertahanan Awam)
Roslan Wahab,
Pengarah Bahagian Pengurusan Angkatan,
Angkatan Pertahanan Awam Malaysia ;

Penolong Pesuruhjaya Kehormat (Pertahanan Awam)
Profesor Dr. Mashitah Mohd. Yusoff,
Timbalan Naib Canselor (Penyelidikan & Inovasi),
merangkap Komandan Kor SISPA Universiti Malaysia Pahang;

Yang Amat Setia Kolonel (Pertahanan Awam)
Zainal bin Yusoff,
Pengarah Pertahanan Awam Pahang;

LeftenanKolonel Bersekutu (Pertahanan Awam) Faudziah Md Zin,
Ketua Penolong Pengarah Kanan,
Bahagian Hal Ehwal & Pembangunan Pelajar,
Kementerian Pendidikan Tinggi;

Pegawai-pegawai Utama dan Ketua-ketua Pusat Tanggungjawab UMP;

Komandan-Komandan Kor SISPA Institusi Pendidikan Tinggi;

Pengurusan Angkatan Pertahanan Awam Negeri dan Pusat ;

Ahli Jawatankuasa Pelaksana Program Seminar Kebangsaan
Kor SISPA Kali Ke-5 Tahun 2016;

Para Peserta Seminar

Tuan-tuan dan puan-puan yang dikasihi.

Assalamualaikum warahmatullahi wabarakatuh

Salam sejahtera dan Salam 1 Malaysia

KATA PEMBUKA

1. *Alhamdulillah, sukalah saya merafakkan setinggi-tinggi kesyukuran ke hadrat Allah Ta'ala kerana dengan limpah rahmat, kurnia dan izin-Nya, maka kita dapat bertemu Majlis Penutupan*

Rasmi Seminar Kebangsaan Kor SISPA Kali Ke-5 Tahun 2016 pada pagi ini.

2. Terlebih dahulu, bagi pihak pengurusan dan seluruh warga Universiti Malaysia Pahang, saya ingin mengucapkan selamat datang ke UMP Kampus Gambang kepada semua warga Pertahanan Awam dari Ibu Pejabat dan institusi-institusi pendidikan tinggi.
3. Sukacita juga saya merakamkan ucapan penghargaan yang khusus kepada tetamu kehormat kita, Yang Amat Setia Dato' Haji Selamat Haji Dahalan atas kesudian beliau menyempurnakan penutupan seminar ini.
4. UMP sesungguhnya amat berbesar hati dengan kepercayaan yang telah diberikan oleh pihak Angkatan Pertahanan Awam Malaysia sebagai tuan rumah bagi edisi kelima seminar kebangsaan ini.
5. Kerjasama antara institusi-institusi pendidikan tinggi dan pihak APM menerusi inisiatif seminar seumpama ini memberi manfaat yang tidak sedikit dalam konteks jaringan strategik organisasi dan mobilisasi warga pendidikan tinggi dalam pelbagai program kesukarelawanan khususnya yang berkaitan dengan khidmat sokongan operasi dan pengurusan bencana.

UMP DAN KOR SISPA

6. Yang Amat Setia Dato', tuan-tuan dan puan-puan,

UMP sejak awal lagi telah memberi perhatian yang istimewa terhadap pembangunan kepimpinan dan pembinaan jati diri dalam kalangan mahasiswanya secara berstruktur melalui penubuhan badan-badan beruniform di Universiti ini seperti Pasukan Latihan Pegawai Simpanan (PALAPES) Laut, Udara dan Darat dan juga Kor SISPA yang telah ditubuhkan pada 12 Mac 2010.

7. Dengan skop fokus yang tersendiri bagi setiap badan beruniform tersebut, pihak pengurusan UMP percaya bahawa kelebihan yang dimiliki oleh pasukan-pasukan ini mampu disinergi dan diupayakan bagi tujuan-tujuan yang khusus apabila terdapat keperluan untuk berbuat demikian, terutamanya ketika saat bencana atau krisis.
8. Saya melihat bahawa penglibatan para mahasiswa dalam Kor SISPA memberikan mereka pendedahan praktikal yang konstruktif terhadap pelbagai aspek pengurusan bencana dan lebih penting lagi, berupaya pula menyumbang tenaga pada saat genting di mana negara memerlukan khidmat mereka.

9. Malah, kepada mahasiswa daripada bidang-bidang pengajian tertentu, baik dalam disiplin kejuruteraan, sains atau pengurusan, pengalaman bersama Kor SISPA turut membolehkan mereka meneroka dimensi-dimensi khusus dalam aspek pengurusan bencana, aplikasi teknologi dan lain-lain yang berpotensi untuk digarap dalam kajian akademik mereka.
10. Ini merupakan nilai tambah kepada para anggota Kor SISPA selain latihan yang diterima mereka mengenai langkah-langkah keselamatan diri dan orang awam sepanjang masa bagi menghadapi sebarang kemungkinan bencana.
11. Pada masa yang sama, penglibatan mereka dalam Kor SISPA membentuk keperibadian mahasiswa kita untuk menjadi seorang pemimpin yang berkualifer, bertanggungjawab serta mempunyai kepakaran khusus dalam Pertahanan Awam.
12. Dalam hubungan tersebut, Kor SISPA UMP telah menyempurnakan tugas mereka dengan cemerlang semasa pasukan ini diaturgerak dalam misi khidmat dan operasi bantuan tatkala musibah banjir besar yang melanda Pantai Timur pada akhir tahun 2014 di pusat-pusat pemindahan mangsa banjir dan kawasan-kawasan yang terjejas.

SEMINAR KEBANGSAAN KOR SISPA KALI KE-5 2016

13. Yang Amat Setia Dato', tuan-tuan dan puan-puan,

Penganjuran seminar pada kali ini yang menyaksikan pembentangan 12 kertas kerja dan perkongsian pengalaman pakar dari universiti dan industri iaitu Motorola Solutions (M) Sdn. Bhd, Tenaga Nasional Berhad dan Universiti Islam Antarabangsa Malaysia (UIAM) telah memberikan manfaat kepada warga Pertahanan Awam di IPT dalam konteks pengayaan pengetahuan mereka berhubung isu-isu yang berkaitan.

14. Malah, UMP turut berkongsi kepakaran teknikalnya dalam konteks tersebut melalui pembentangan kertas kerja mengenai sumber dan rawatan air menggunakan teknologi boring serta teknologi berkenaan geografik, geomatik dan hidrologi oleh para penyelidiknya dari Fakulti Kejuruteraan Awam & Sumber Alam.

KATA PENUTUP

15. Yang Amat Setia Dato', tuan-tuan dan puan-puan,

Sebelum mengakhiri ucapan ini, saya ingin merakamkan ucapan terima kasih sekali lagi kepada pihak APM, Kementerian Pendidikan Tinggi dan rakan-rakan IPT yang terlibat dalam penganjuran seminar ini.

16. Penghargaan khusus juga wajar diberikan kepada Jawatankuasa Pelaksana dari kalangan warga Kor SISPA UMP atas khidmat cemerlang mereka dalam mengelolakan penganjuran seminar ini dengan jayanya.
17. Saya berdoa ke hadrat Allah Ta'ala mudah-mudahan jalinan kerjasama ini akan terus dapat diperkasakan pada masa hadapan dan semoga kita semua terus dilimpahkan-Nya dengan rahmat peliharaan dan perlindungan pada setiap masa, *Amin*.

Sekian, *wabillahi taufiq walhidayah*,

Assalamualaikum warahmatullahi wabarakatuh.